



Pou Piblikasyon Imedya: 24/08/2023

GOUVÈNÈ KATHY HOCHUL

**KISA Y AP DI: GOUVÈNÈ HOCHUL MANDE PREZIDAN BIDEN POU L MANDE  
GOUVÈNMAN FEDERAL LA POU BAY OTORIZASYON TRAVAY, SIPÒ, AK ABRI  
POU PLIS PASE 100,000 DEMANDÈ AZIL NAN ETA NEW YORK**

*Ou Kapab wè lèt Gouvènè Hochul te voye bay Prezidan Biden lan [isit la](#)*

Byen bonè jodi a, Gouvènè Kathy Hochul te mande Prezidan Biden pou l pran mezi egzekitif epi repati resous federal adisyonèl nan Eta New York pandan l ap jere yon kantite moun san parèy k ap chèche azil ki rive nan New York. Nan yon demann fòmèl yo te voye bay Mezon Blanch maten an, Gouvènè Hochul te dekri demann espesifik, eksepsyonèl, tankou otorizasyon travay akselere pou moun k ap chèche azil yo, asistans finansye pou Vil New ak Eta New York, itilizasyon tè ak enstalasyon federal pou sit abri tanporè yo, ak deziyasyon Tit 32 a pou bay finansman federal pou prèske 2,000 manm Gad Nasyonal New York (New York National Guard) k ap bay sipò lojistik ak operasyonèl kounye a atravè Eta a.

**Gouvènè Adjwen Antonio Delgado te deklare**, "Nou bezwen sezi opòtinite sa a epi bay moun k ap chèche azil yo konpasyon ak sèvis ki nesesè yo. Eta ap travay pou abòde kriz imanitè sa a, men nou pa ka fè li pou kont nou. Nou ap mande gouvènman federal la pou l bay tout kantite finansman, enstalasyon, ak otorizasyon travay pou efò sa a. Nou dwe Nouyòkè yo ak moun ki vin isit la pou yon lavi miyò pou jwenn solisyon nan tout nivo gouvènman an pou adrese kriz sa a epi ede nasyon nou an avanse."

**Reprezantan Jerrold Nadler te deklare**, "Mwen rekonesan pou travay Gouvènè Hochul fè pou adrese defi imanitè sa a. M ap travay sere ak Gouvènè Hochul, Majistra Adams, Administrasyon Biden ak kòlèg mwen yo nan Delegasyon Demokratik Kongrè New York la pou asire ke New York gen lajan ki nesesè pandan m ap travay tou pou etabli chemen administratif ki pi rapid pou akselere otorizasyon travay pou moun k ap chèche azil yo. Ane sa a, Delegasyon an te bay plis pase 143 milyon dola pou Vil New York atravè Pwogram Manje ak Abri Ijans (Emergency Food and Shelter Program) FEMA ak nouvo Pwogram Sèvis Abri (Shelter Services Program) a. Pandan ke sa a te yon etap nan bon direksyon an, nou bezwen yon estrateji konplè nan chak nivo nan gouvènman an pou adrese defi sa a. Li pral mande pou Repiblik yo nan Kongrè a vin sou tab la pou yo travay avèk nou pou asire ke Vil New York gen resous ak sipò li bezwen pou ede moun ki te chèche refij yo."

**Reprezantan Adriano Espaillat te deklare**, "Nou se yon nasyon imigran epi repons nou pou kantite moun k ap chèche azil yo dwe akeyi ak limanite. Vil New York pou kont li kounye a akeyi plis pase 100,000 imigran depi prentan 2022. Kòm repons, nou te ouvri prèske 200 abri ijans diferan ak plis pase yon douzèn sant sekou imanitè a gwo echèl ozalantou vil la. New York te jwenn apwobasyon federal tou pou konvèti Teren Floyd Bennett la nan Brooklyn an yon abri pou migran, epi mwen bat bravo pou efò ak patenarya kontinyèl Gouvènè Hochul pou fè sa vin yon reyalite. Chak nivo gouvènman ap travay men nan men pou bay plis sipò, abri, otorizasyon travay akselere, ak TPS pou Venezyelen yo. Anplis de sa, li rete enpòtan pou sipleman k ap vini an gen ladan yon lang ki garanti finansman pou Vil New York, k ap sipòte pi gwo fado nan peyi a. San okenn dout, abòde kriz moun k ap chèche azil nan peyi a pral mande plis asistans nan men tout patnè federal nou yo pou asire moun k ap chèche azil ki rive Etazini jwenn abri ak swen yo merite nan lè yo bezwen. Ansanm, nou dwe jere kriz sa a epi sipòte bezwen gwo vil nou an."

**Reprezantan Joe Morelle te deklare**, "Mwen rekonesan anvè Gouvènè Hochul pou lidèchip li nan fè fas ak gwo kantite moun k ap chèche azil nan Eta New York. Mwen kwè fòtman nan egzijans travay pou tout moun k ap chèche azil Etazini epi mwen fyè pou m fè patenarya ak Gouvènè a sou chanjman bon sans nan règ azil yo. Mwen pral kontinye mete presyon pou èd federal pou asire refijye yo ka sipòte fanmi yo epi viv poukont yo."

**Reprezantan Jamaal Bowman te deklare**, "Migran ak moun k ap chèche azil k ap sove pou vyolans ak pèsekisyon merite diyite ak konpasyon, kòmanse ak sèvis konplè ki satisfè bezwen debaz pa yo. Peyi nou an pa t ap la san kilti, kreyativite, ak travay di tout imigran yo. Mwen fyè pou m rejwenn Gouvènè Hochul ki fè demand ijan sa a ak administrasyon an pou I repati plis resous ba nou nan New York pou nou kapab kontinye sipòte imigran yo. Depatman Travay Eta New York (New York State Department of Labor, NYSDOL) ap pran mezi enpòtan tou pou bay moun k ap chèche azil yo opòtinite pou yo jwenn otorizasyon travay pou yo ka kontribye nan ekonomi nou an epi sipòte tèt yo ak moun yo renmen yo. Chak migran ak moun k ap chèche azil merite resevwa otorizasyon travay. Mwen espere ke nouvo inisyativ sa yo pral jis kèk nan anpil etap nan direksyon pou yon sistèm imigrasyon ki santre sou konpasyon, senpati, ak limanite."

**Reprezantan Ritchie Torres, te deklare**, "Pa gen okenn dout ke gouvènman federal la te fondamantalman echwe Vil New York la. Vag migrasyon ki te baleye Vil Nouyòk te mete yon presyon san parèy sou sistèm abri nou an ak resous ki disponib yo. Li tou sipleman ensoutenab. Epi pandan ke nou ta dwe yon sanktyè akeyan pou moun k ap chèche azil atravè mond lan, fado kriz sa a te tonbe nèt sou zepòl Vil ak Eta New York. Mwen sipòte Gouvènè Kathy Hochul paske li mande Prezidan an ijan pou I bay plis sipò federal, abri tanporè, èd imanitè, epi akselere otorizasyon travay pou moun k ap chèche azil yo, sa mwen kwè li gen pouvwa pou I fè inilateralman. Chemen pou sòti nan kriz sa a se pa abri - se sitiyasyon travay legal ak lavi endepandan."

**Reprezantan Dan Goldman, te deklare,** "New York te sèvi kòm yon modèl pou nasyon an nan satisfè bezwen k ap grandi pou plizyè dizèn milye moun k ap chèche azil, men mank sipò federal te pouse Vil nou an ak Eta nou an nan limit li. San sipò enpòtan nan men gouvènman federal la, sèvis Vil nou yo ak Eta nou yo akablan, sa ki menase yon kriz imanitè ki mete an danje sante publik ak sekirite Nouyòkè yo. Pliske Repiblik yo nan Kongrè a refize adopte lejislasyon imigrasyon konplè, bilateral la pou rezoud sistèm ki an defayans lan, se resonsabilite Administrasyon Biden lan pou sèvi ak otorite li pou bay asistans federal esansyèl pou yon pwoblèm federal. Responsablite a tou senpleman pa ka tonbe sou do New York sèlman."

**Senatè Eta Julia Salazar te deklare,** "Gouvènè Hochul ap pran aksyon desizif eta nou an bezwen nan yon sitiyasyon difisil lè li mande administrasyon Biden lan pou l travay avèk New York pou akeyi moun k ap chèche azil ak refiye yo avèk konpassyon epi avèk konpetans. Gouvènman federal la dwe akselere otorizasyon travay pou nouvo vwazen nou yo, ki anvi travay, kapab sipòte fanmi yo epi kontribye nan ekonomi eta ak lokal nou yo. Nouyòkè yo te fè entèvansyon pou akeyi imigran yo nan komunitate nou yo pandan tout listwa nou an, e nou atann nou aske gouvènman federal la fè pati pa li pou ede nou kontinye fè sa."

**Senatè Eta Brad Hoylman-Sigal te deklare,** "Dè milye moun k ap rive nan New York nan dènye mwa yo ap fè fas ak chwa dekourajan pou yo travay san otorizasyon epi mete aplikasyon azil yo an danje oswa pou yo sibziste ak sipò gouvènman an ki limite Mwen bat bravo pou Gouvènè Hochul paske li te mande Prezidan Biden pou l otorize imigran yo pou yo travay legalman epi paske li mande Depatman Travay la pou ede ak akselere aplikasyon yo. Tout moun gen dwa pou yo travay epi yo merite yon chans pou batay nan rèv Ameriken an."

**Senatè Eta a, John W. Mannion, te deklare,** "Resous federal yo ak pèmi travay akselere pou moun k ap chèche azil yo se etap imedya ki ka ede rezoud kriz sa a epi mwen sipòte demann dirèk Gouvènè Hochul pou asistans Mezon Blanch lan. Imigran yo Etazini legalman epi yo te chwazi vin New York, jan lalwa federal la pèmèt sa. Gouvènman federal la ak ofisyèl eli federal nou yo dwe mete tèt yo ansanm epi repare sistèm ki an defayans sa a epi fè refòm imigrasyon bilatèral konplè ke y ap tann depi lontan."

**Senatè Eta a Jeremy Cooney te deklare,** "Eta New York te yon kay akeyan pou moun k ap chèche batí Rèv Ameriken an pandan anpil jenerasyon. Kounye a, Gouvènè Hochul te demonstre lidèchip ki te manke nan plizyè lòt eta ki te dirije pa moun k ap chèche politize fanmi vilnerab yo. Anplis, mank mendèv nan nò eta a se yon defi espesyalman, epi kounye a nou gen moun k ap chèche azil ki travay di ki anvi batí yon nouvo lavi nan vil ak komin ki pa gen anpil moun yo. Mwen sipòte totalman demand Gouvènè Hochul fè pou pèmi travay akselere, ak nouvo pwogram asistans atravè Depatman Travay la."

**Senatè Eta a, Cordell Cleare, te deklare,** "Yon kriz nasyonal mande solisyon nasyonal ak sipò nan tout peyi a; se poutèt sa mwen konplètman dakò ak prensip Gouvènè

Hochul la ki mande plis sipò Federal nan menm Prezidan Biden ak Kongrè a pou konpètman adrese Kriz Moun k ap Chèche Azil la nan New York. Kriz patikilye sa a destriktif toudebò paske l ap vin agrave pwoblèm lojman abòdab ki te deja egziste isit la nan Vil New York, ke moun Nwa yo ak Kominote Nwa yo andire yon fason ki pa pwopòsyonèl."

**Senatè Eta a, Kevin Thomas te deklare**, "Kantite imigran san parèy yo ap vin agrave resous lokal yo, epi n ap lite pou trete ak plase moun ki nan bezwen yo. Mwen sipòte demann Gouvènè a fè bay gouvènman federal la pou pèmi travay akselere ak finansman adisyonèl, nou bezwen èd nan chak nivo gouvènman an pou nou avanse sou sa pi vit posib anvan presyon sou minisipalite nou yo vin pa kapab jere."

**Senatè Eta Monica Martinez te deklare**, "Kriz migran an nan men ofisyèl eli federal nou yo, alafwa Demokrat ak Republik yo, ki poko ranpli responsablite yo pou kreye yon chemen dirab ki mennen nan sitwayènte. Kòm rezulta, nou kontinye sèvi ak yon sistèm demode ki mennen nan sitiayson tankou sa a. Antanke yon nasyon, nou te ranfòse gras ak kontribisyon ekonomik imigran yo pote. Mwen bat bravo pou Gouvènè Hochul ak repons li nan kriz sa a lè li mande tokay federal nou yo pou yo bay asistans ki nesesè."

**Prezidan Adjwen Asamble a Phil Ramos, te deklare**, "Migran yo se kolòn vètebral ekonomi New York la, epi New York te toujou yon limyè espwa, ke Estati Libète a reprezante pou tout moun ki vin isit la. Sa a se fason New York fonksyone, epi nou dwe toujou kenbe tradisyon sa a. Gouvènè a ap aji avèk bòn fwa anvè pwomès sa a lè li mande gouvènman federal la pou l sipòte moun k ap chèche azil sa yo ak aksè ak abri pwòp epi ki an sekirite, bay resous ki nesesè yo, epi pèmèt moun k ap chèche azil yo kapab travay pi bonè. Sa yo se demann rezonab ke gouvènman federal la dwe aji sou yo pou lavi moun yo ka kontinye, epi moun k ap chèche azil sa yo ka kòmanse mache nan chemen otodetèminasyon an. Mwen remèsyé Gouvènè Hochul ak kòlèg mwen yo paske yo mete tèt yo ansanm pou fè demann sa a bay gouvènman federal la. Mwen pa ka tann yon relasyon kolaborasyon kontinyèl ant Eta New York ak gouvènman federal la pou sipòte moun k ap chèche azil sa yo ki konte sou nou."

**Manm Asamble Kimberly Jean-Pierre te deklare**, "Demann Gouvènè a bay gouvènman federal la jodi a reflete ijans ak aksyon ki nesesè pou abòde kriz migran k ap grandi nan eta nou an. Sa a se yon sitiayson delika ak kontwovèse, men li bezwen jwenn yon repons amonize epi, sa ki pi enpòtan, ak konpasyon."

**Manm Asamble Gina Sillitti te deklare**, "Eta New York ap fè fas ak yon kriz imanité epi nou bezwen Gouvènman Federal la pou li fè entèvansyon. Mwen rejwenn Gouvènè a nan demand renouvle li pou ede soulaje pwoblèm ki parèt yo. Sepandan, diskou politik aktyèl la ozalantou kriz sa a ekstrèmman prewokipan. Nou gen yon istwa long sou fason nou trete moun ki fèk rive nan peyi sa a, soti nan rayisman avvg ki te dirije kont frè Italyen mwen yo pase nan rasis ki andire pa Ameriken dorijin Azyatik yo rive nan Refijye Jwif yo te refoule pandan y ap sove pou Rejim Nazi a. Ann fè pi byen. Sistèm imigrasyon nasyon nou an te kraze pandan twò lontan. Washington bezwen fè

entèvansyon epi bay solisyon reyèl, epi jiskaske yo fè sa, yo bezwen bay nou resous reyèl pou abòde kriz sa a."

**Manm Asanble Michaelle Solages te deklare**, "Kantite moun k ap chèche azil la se yon defi imanitè san parèy ki mande yon solisyon nan nivo nasyonal la. Mwen kanpe dèyè apèl Gouvènè Hochul te fè pou gouvènman federal la pran mezi, ki gen ladan akselere pwoesis pou bay moun k ap chèche azil yo otorizasyon travay epi bay sipò finansye federal imedya."

**Manm Asanble Taylor Darling te deklare**, "Li enperatif gouvènman federal la fè entèvansyon ak dirije fas ak kriz imanitè san parèy sa a. Mwen aplodi epi sipòte lidèchip Gouvènè Hochul nan kriz sa a epi mwen repete apèl li pou Washington aji."

**Manm Asanble Charles D. Lavine te deklare**, "Akske Eta New York te deja angaje anpil resous pou ede soulaje kantite migran k ap kontinye a, mwen sipòte totalman demann Gouvènè Hochul fè pou asistans nan men gouvènman federal la. Estil prensip, pwo-aktif, ak kolaboratif gouvènè a pou rezoud pwoblèm pa janm te pi evidan pase fason I ap abòde kriz sa a."

**Prezidan Minisipalite Manhattan Ian, Mark Levine, te deklare**, "Mwen eksepsyonèlman fyè de fason New York kontinye fè entèvansyon ak akeyi moun ki fèk vini nan kominate nou yo, men nou pa kapab fè sa pou kont nou. Nou bezwen plis èd nan men gouvènman federal la pou nou ka fè fas ak moman sa a ak konpasyon ak sipò ke moun k ap chèche azil sa yo bezwen. Li enperatif pou gouvènman federal la pran mezi pou akselere pwoesis otorizasyon travay la, epi nou bezwen asistans federal pou ede finanse bezwen lojman, swen sante, edikasyon ak sèvis sosyal novo Nouyòkè sa yo. Tout nivo gouvènman yo dwe travay ansanm san pwoblèm pou nou reyisi."

**Prezidan Minisipalite Bronx Ian, Vanessa Gibson, te deklare**, "Nan mitan kriz san parèy sa a, li enpòtan pou nou gen lidè ki pral defann moun New York yo. Nou rekonesan anvè Gouvènè Hochul paske li montre lidèchip sou pwoblèm sa a epi nou rejwenn demand li pou plis sipò federal."

**Kad Egzekitif Konte Westchester, George Latimer, te deklare**, "Aksyon Gouvènè Hochul reflete angajman New York pou adrese moun k ap chèche azil nan kominate nou yo an jeneral. Nou kanpe ak Gouvènè a nan mande Prezidan Biden asistans federal vital, dispozisyon pou abri ak otorizasyon travay akselere pou plis pase 100,000 moun k ap chèche azil. Gason ak fam sa yo isit la, epi nou bezwen otorizasyon travay akselere pou ede yo vin manm pwodiktif nan kominate nou an – yon bagay nou tout konnen yo vle."

**Majistra Albany an, Kathy Sheehan te deklare**, "Vil Albany ak lòt kominate atravè Eta New York te fè plis efò pou ede moun k ap chèche azil ki te vin Etazini pou yo chèche yon lavi miyò, epi li lè pou gouvènman federal la ede nan efò sa a. Mwen repete demand Gouvènè Hochul te fè pou otorizasyon travay akselere, finansman pou sèvis sante ak sèvis legal vital, epi fè tè federal disponib pou lojman tanporè. Ekonomi

nasyon nou an depann de fèsa yon fason kòrèk, epi sa pral rive sèlman lè moun k ap chèche azil yo ka fè yon sèl bagay yo dezespereman vle fè: ki se travay."

**Majistra Syracuse Ia, Ben Walsh, te deklare**, "Pledwari Gouvènè Hochul te fè nan Mezon Blanch lan se sa Eta New York ak kominate lokal yo bezwen. Kriz migran an mande resous federal ak pwoesisis otorizasyon travay akselere pi vit posib. Nou pa ka espere vil ak eta yo ka jere yon defi nan echèl sa a san yon apwòch nasyonal konplè."

**Majistra Ithaca a, Laura Lewis, te deklare**, "Mwen sipòte defans Gouvènè a pou travayè migran yo nan kominate nou an. Mendèv nou an akeyi moun k ap chèche azil ki kontribye nan ekonomi nou an nan anpil sektè enpòtan tankou otelri, agrikilti, ak touris. Nou rejwenn Gouvènè a nan ankouraje gouvènman federal la pou ogmante sipò finansye ak akselere pèmi travay pou moun k ap chèche azil yo."

**Prezidan Lejislati Konte Tompkins lan, Shawna Black, te deklare**, "Lojman ak bay aksè ak sèvis imanitè pou plizyè milye moun k ap chèche azil se yon travay monimantal – li lè pou Gouvènman Federal la ofri plis resous ak chanjman politik rapid pou sipòte Eta New York k ap jere kriz sa a. Ansanm ak aksè nan resous federal yo, nou bezwen wè mouvman sou akòde otorizasyon travay pou moun k ap rive yo. Nan kominate nou an, nou gen yon to chomaj ki ba epi nou kontinye wè ouvèti travay nan plizyè endistri, gen kèk moun k ap chèche azil k ap chèche travay yo ka okipe. Konte Tompkins vle fè pati yon repons imanitè ak founi resous pou kriz sa a, si yo mete plis resous disponib pou Eta New York, sa kapab yon sitiyasyon gayan pou tout moun, depi nan nivo federal la rive nan nivo lokal."

**Sipèvizè Vil Babylon ak Chèf Asosyasyon Sipèvizè Konte Suffolk Rich Schaffer, te deklare**, "Mwen remèsye Gouvènè Hochul pou lidèchip li ak defans li nan mitan kriz san parèy sa a Li lè pou Washington fè entèvansyon epi aji."

**Sipèvizè Vil Southampton Ia, Peter Van Scoyoc, te deklare**, "Mwen sipòte apwòch Gouvènè Hochul pou defi ki te poze pa kantite moun k ap chèche azil nan New York, pou chèche sipò ak resous nan men gouvènman federal la. Migran ki vin Etazini k ap kouri nan kondisyon ensoutenab epi chèche azil yo ta dwe benefisyè nan peyi nou an yon repons imanitè epi bay yo asistans ak nesesite debaz yo. Men, resous sa yo ta dwe bay nan nivo federal epi yo ta dwe bay eta ak minisipalite ki kapab fasilman akablan pa demann lan", deklarasyon Sipèvizè East Hampton Town Ia, Peter Van Scoyoc. "Gouvènman federal la pral gen yon enpòtans patikilye pou bay moun k ap chèche azil sa yo yon chemen pou yo jwenn otorizasyon pou yo travay, pou yo ka patisipe yon fason pwodiktif nan sosyete nou an."

**Sipèvize Vil Southampton Ia, Jay Schneiderman, te deklare**, "Imigrasyon se yon pwoblèm Federal, men chay finansye pou jere plizyè milye moun k ap chèche azil la tonbe sou gouvènman eta ak lokal yo. Mwen rejwenn demand Gouvènè a te fè pou gouvènman Federal la ranbouse kontribyab nou yo pou depans pou jere kriz imanitè sa a, se pa nou ki lakoz."

**Mario Cilento, ki se Prezidan AFL-CIO Eta New York la te deklare**, "Migran yo vini nan peyi nou an ap chèche yon lavi miyò epi bay yo diyite travay isit nan Eta New York se premye etap pou ede yo reyalize objektif sa a. Nou konplètman sipòte demand gouvènè a pou gouvènman federal la akselere ak elaji estati pwoteksyon tanporè. Retire baryè pou travay se pi bon fason pou ede moun vin otonòm epi amelyore kalite lavi yo."

**Vincent Alvarez, ki se Prezidan Konsèy Travay Santral Vil New York (New York City Central Labor Council), te deklare**. "Tout moun k ap travay yo merite pou yo trete yo ak diyite ak respè, kit yo fèt nan peyi sa a oswa yo fèk vini. Lè Gouvènè Hochul konsantre sou otorizasyon travay ak chemen anplwa, I ap montre kijan li valorize famm ak gason k ap travay di nan Vil New York. Nou pral kontinye travay avèk Gouvènè a, Depatman Travay la ak pati konsène lokal yo pou adrese kriz moun k ap chèche azil yo epi fè kominate nou an avanse pou pi devan."

**Melinda Person, Prezidan New York State Teachers United, te deklare**, "Nou repete demand Gouvènè Hochul pou jwenn èd federal. Tout eta a pral santi enpak efò demenajman yo, sitou lè timoun yo ak edikatè yo retounen nan salklas yo nan kèk semèn. Gouvènman federal la dwe voye finansman sible pou dènye elèv nou yo ak fanmi yo ka pwospere."

**Michael E. Hellstrom & Donato A. Bianco, Vis Prezidan LIUNA, te deklare**, "Nou sipòte demand Gouvènè Hochul pou resous federal adisyonèl pou fè fas ak kriz migran nan Vil New York. Plis pase 100,000 imigran te rive nan Vil New York depi prentan pase a, epi li te mete yon presyon san parèy sou resous vil ak eta a yo. Popilasyon ebèjman Vil la te rive nan nivo rekò epi semèn pase a sèlman, yon lòt 2,700 imigran te rive nan vil la ki bezwen lojman ak sèvis sosyal. Lòt resous federal—ki gendwa itilize enstalasyon federal pou lojman tanporè—ka ede soulaje abri ak mank lojman. Resous yo ka itilize tou pou anplwaye yon sistèm depo dosye efikas pou pi byen ede moun k ap chèche azil yo sòti nan sèvis abri vil la epi jwenn estati travay legal. Otorizasyon travay enpòtan anpil pou asire imigran yo pa navige nan teritwa danjere tankou yon ekonomi konstriksyon anba tè ki pwofite ak eksplwate travayè vilherab yo tankou imigran yo. LIUNA te fonde plis pase yon syèk de sa pa imigran fyè epi nou kontinye travay pou tretman jis pou travayè imigran nan nasyon sa a epi nou reprezante plis pase 40,000 manm nan Eta New York. Nou kwè defi san parèy New York ap rankontre yo mande yon sipò san parèy nan men gouvènman federal la. Li nan pi bon enterè tout moun pou sipòte, trete, ak pwoteje travayè migran yo pandan y ap navige nan pwosesis azil la epi chèche pran swen tèt yo ak fanmi yo."

**Stuart Appelbaum, Prezidan Retail, Wholesale and Department Store Union (RWDSU), te deklare**, "Migran yo ap kouri kite peyi yo ki nan kriz, yo te pati ak yon ti kras bagay ki pa plis pase rad sou do yo pou garanti sekirite pou fanmi yo. Anpil nan yo andire kondisyon danjere jis pou yo rive nan peyi sa a ak espwa yon lavi ki pi an sekirite. Eta New York ak pwòp sendika nou an te kontinye sipòte popilasyon migran k ap grandi a ak fyète. Sepandan, resous lokal ak eta a yo, pa ase. RWDSU rejwen Gouvènè Kathy Hochul nan mande pou asistans federal pou nou ka pi byen sipòte

travayè migran ki rive isit la nan New York. Ini, n ap mande otorizasyon travay federal, asistans finansye federal ak utilizasyon tè ak enstalasyon federal pou abrite imigran ki bezwen èd nou."

**Rick Maroko, Prezidan, Hotel and Gaming Trades Council (Konsèy Metye Otelri ak Jwèt Aza), te deklare**, "Mèsi, Gouvènè Hochul, paske w te fè yon apèl enpòtan pou asistans bay gouvènman federal nou an pou adrese kriz moun k ap chèche azil la nan New York. Nou gen yon gwo bezwen pou etap agresif pou akselere otorizasyon travay, bay Eta ak Vil la èd finansye, epi ofri espas adisyonèl ki nesesè pou loje moun k ap chèche azil yo. Nou kanpe ak Gouvènè Hochul epi nou sipòte ak tout kè nou demand li pou lidèchip federal pou ede New York ak kriz sa a k ap grandi a."

**Nancy Hagans, Prezidan NYSNA te deklare**, "Enfimyè New York yo, anpil ladan yo se imigran pou tèt yo, yo te toujou fyè dèské yo pran swen kominate imigran yo nan Vil New York ak nan tout eta a. Antanke yon imigran ki soti Ayiti, pwòp fanmi mwen te depann de swen konpasyon enfimyè Lopital Kings County yo pou yo rete an sante, epi nou menm tou nou te fè eksperyans baryè ak obstak lang nan swen sante anpil imigran yo rankontre. Dènye arive nouvo imigran nan vil nou an te sèlman ogmante detèminasyon enfimyè yo pou bay tout Nouyòkè yo pi bon kalite swen, kèlkeswa ras, klas, oswa sitiyyasyon imigrasyon. Sepandan, li te agrave tou inegalite ki egziste nan sistèm swen sante nou an. Angajman nou an pou swen pasyan yo inebranlab, epi avèk sipò vil la ak eta a, enfimyè yo pral kontinye fè pati solisyon kriz sa a lè nou fè sa nou fè pi byen, ki se kenbe tout Nouyòkè yo an sante."

**Wayne Spence, Prezidan Federasyon Anplwaye Biblik yo (Public Employees Federation), te deklare**, "Depi plis pase yon ane kounye a, mwen te wè plizyè otobis ki chaje ak imigran ki rive nan New York. Mwen te wè Vil New York k ap lite ak resous limite yo epi Eta New York k ap lite pou bay èt imen parèy nou sa yo yon ti sanbllan limanite ak diyite. Kòm yon imigran pou tèt mwen, mwen pa ka kòmanse imajine sa kamarad sa yo te pase ak sa yo ap fè eksperimente kounye a. Mwen sipòte demann Gouvènè Hochul fè bay gouvènman federal la pou I fè plis. Malgre ke li pi bon pase dòmi nan lari yo, yon vilaj tant sou teren yon sant sikyatrik pa ka solisyon an, menm tanporèman. Kriz sa a dirèkteman afekte sekirite manm PEF k ap travay nan etablisman sikyatrik la. San estati legal, travayè migran sa yo kapab sibi abi oswa move tretman nan men anplwayè yo – se poutèt sa demand Gouvènè Hochul fè pou otorizasyon legal travay tèlman enpòtan. Sipò solid li bay moun New York yo te enkondisyonèl pandan tout kriz sa a, epi nou pral toujou kanpe avèk li pou sipòte travayè New York yo. Men, li lè pou gouvènman federal la fè entèvansyon epi pran responsablité li. Gouvènè Hochul gen rezon: Gen djòb ak opòtinite nan New York pou moun ki kapab travay legalman, epi avèk sipò federal, nou ka fè sa vin yon reyalite pou moun k ap chèche azil yo."

**Prezidan Federasyon Mendèv Long Island (Long Island Federation of Labor) Ian, John R. Durso, te deklare**, "Nou pa dwe pèmèt move aktè yo ekspligate sikonstans kriz refijye yo kounye a. Anpil nan imigran yo ap diskite sou yo nan medya yo jodi a, pa definisyon, yo se refijye. Yo ap sove kite kondisyon danjere ak rèv pou jwenn aksè ak yon lavi miyò, ke yo souvan refere kòm 'Rèv Ameriken an.' Nou konplètman sipòte apèl

Gouvènè a pou otorizasyon travay akselere, ki pral ede fè rèv sa a vin yon reyalite. Anplis de sa, aksyon sa a pwoteje bon pwopriyetè biznis yo ak travayè Ameriken yo kont dezavantaj pa patwon kriminèl ta eksplwate moun k ap chèche yon lavi miyò jis pou yo mete plen pwòp pòch yo."

**Jose Maldonado, Prezidan UNITE HERE Local 100, te deklare**, "Nan mitan kriz san parèy sa a, li enpòtan pou nou gen lidè ki pral defann moun New York yo. Nou rekonesan anvè Gouvènè Hochul paske li montre lidèchip li sou pwoblèm sa a. Mwen te temwen kòman plizyè santèn imigran te aliye semèn sa a nan espwa pou yo resevwa fòmasyon epi yo kapab jwenn yon travay, kidonk mwen rejwenn demand li a pou plis sipò federal."

**Kathryn Wylde, ki se Prezidant ak Direktris Egzekitiv Jeneral pou Partnership for New York City, te deklare**, "Kominote biznis la sipòte demann Gouvènè Hochul la pou entèvansyon federal pou adrese kriz imanitè a ki gen yon konsekans dirèk nan echèk nasyon nou an pou adopte ak aplike yon politik imigrasyon efikas."

**Direktè Egzekitif Alyans Ospitalite NYC (NYC Hospitality Alliance) a, Andrew Rigue, te deklare**, "Pandan pi plis moun rive nan New York ap chèche azil, li enpòtan pou yo ba yo opòtinité pou yo travay legalman nan pakou yo pou yon lavi miyò. Kidonk, byenke sa a se yon pwoblèm moral, li se yon pwoblèm ekonomik tou paske restoran ak lòt ti biznis atravè vil nou an bezwen travayè pou kenbe biznis yo an mouvman epi yo pare pou anboche yo. Se poutèt sa nou felisite epi kanpe an solidarite solid ak Gouvènè Hochul ak lòt lidè ki mande dirèkteman Prezidan Biden pou bay otorizasyon travay akselere pou moun k ap chèche azil yo kounye a kòm yon etap esansyèl nan abòde kriz imanitè sa a."

**Heather Mulligan, Prezidan & Direktè Egzekitif Jeneral, The Business Council of New York State, te deklare**, "Biznis yo atravè New York ap chèche travayè, epu se poutèt sa Konsèy Biznis Eta New York la sipòte demand Gouvènè Hochul pou èd federal pou adrese kriz sa a. Nou gen travayè ki pare pou travay ak patwon ki pare pou anboche yo — depi ke otorizasyon travay la rive. Nou apresye angajman Gouvènè a pou ranfòse djòb ak kwasans ekonomik."

**Robert Duffy, Prezidan ak Direktè Egzekitif Jeneral Chanm Komès Greater Rochester, te deklare** "Kwasans ekonomik mande pou mendèv solid ak talantye, yon domèn ke yo bezwen pou Greater Rochester ak kominote yo atravè eta a ak nasyon. Nou ankouraje gouvènman federal la pou bay plizyè milye moun k ap chèche azil ki anvi travay otorizasyon travay, epi nou pare pou ede gason ak famm k ap travay di sa yo pou jwenn yon djòb yon fwa ke yo elijib. Nou remèsyé Gouvènè Hochul pou lidèchip solid li sou pwoblèm sa a, epi nou rejwenn epi sipòte apèl li pou sipò federal ki pral ede katalize siksè rejon nou an."

**Frankie Miranda, Prezidant ak Direktris Egzekitif Jeneral, Federasyon Ispanik (Hispanic Federation), te deklare**, "Moun k ap chèche azil yo ap sove kite konfli sivil, pèsekisyón, vyolans, dezas natirèl, ak anpil lòt bagay ankò. Poutan, moun ki rive Etazini

yo te reyalize politisyen te itilize yo epi k ap transpòte yo nan New York ak ti resous, san enfòmasyon, ak zewo komunikasyon. Moun k ap chèche azil yo merite estabilite, abri, ak kapasite pou pran swen fanmi yo. Sa Gouvènè Hochul ap mande a - otorizasyon travay akselere, nouvo enstalasyon lojman, ak resous federal adisyonèl - ta reyalize egzakteman sa. Mwen bat bravo pou lidèchip li ak travay li pou sipòte novo vwazen nou yo, epi mwen pa ka tann pou mwen travay ak administrasyon li a pou ekipe, sipòte, ak defann nan non fanmi k ap chèche azil yo."

**Prezidan ak Direktris Egzekitif Jeneral Konsèy pou Revandè nan Eta New York la, Melissa O'Connor, te deklare,** "Revandè yo nan tout eta a gen yon enterè dirèk pou akselere pwoesisi otorizasyon travay pou moun k ap chèche azil yo", deklarasyon Prezidan ak Direktris Egzekitif Jeneral Konsèy pou Revandè nan Eta New York la, Melissa O'Connor. "Endistri ki vann an detay la toujou ap fè fas ak yon mank mendèv, ak sezon acha fèt k ap apeoche a, epi pèmèt moun k ap chèche azil yo ranpli wòl sa yo legalman pral sipòte fanmi yo ak ekonomi an. Nan non plizyè milye magazen nan New York, nou apresye efò Gouvènè Hochul ap fè nan travay ak gouvènman federal la pou yon solisyon efikas."

**Mark Eagan, Prezidan ak Direktè Egzekitif Jeneral Chanm Rejyon Kapital la ak Sant pou Kwasans Ekonomik la, te deklare,** "Kwasans ekonomik ak vitalite Rejyon Kapital la depann de gen yon mendèv solid ki fyab. Demand Gouvènè Hochul pou rezoud kriz migran an atravè otorizasyon travay se bon apwòch pou kenbe kominote nou yo ap grandi ak pwospere. Nou rekonesan anvè Gouvènè Hochul pou lidèchip li ak angajman li pou kwasans ekonomik."

**Randy Peers, Prezidan ak Direktè Egzekitif Jeneral Chanm Komès Brooklyn lan, te deklare,** "Chanm Komès Brooklyn lan sipòte totalman otorizasyon travay rapid pou moun k ap chèche azil yo, epi nou kanpe ak ofisyèl nou yo, tankou Gouvènè Hochul ak Majistra Adams pou mande Gouvènman Federal la pran mezi sou pwoblèm sa a. Akselere kalifikasyon travay fè bon sans ekonomik epi li tou senpleman se bon bagay pou nou fè. Anplwayè Brooklyn yo bezwen travayè kounye a, epi moun k ap chèche azil yo vle travay. Ann mete politik akote epi travay pou yon solisyon ki gen sans lè nou pèmèt refijye yo pran swen tèt yo ak fanmi yo."

**Doktè Marsha Gordon, Prezidan ak Direktè Egzekitif Jeneral Konsèy Biznis nan Westchester (Business Council of Westchester), te deklare,** "Konsèy Biznis nan Westchester, pi gwo òganizasyon biznis Westchester ki konsantre sou devlopman ekonomik ak defans, sipòte avèk fòs demand Gouvènè Hochul fè pou gouvènman federal la bay sipò pou moun k ap chèche azil yo -- espesyalman pou otorizasyon travay. Nan mache travay ki sere sa a, jwenn travayè kalifye nan divès sektè se nimewo en defi manm nou yo ap fè fas epi aksyon federal sa a kapab fè yon diferans enpòtan. Gouvènè Hochul ap montre vrè lidèchip, li ouvri pòt pou opòtinite ekonomik epi rete fidèl ak valè tolerans ak enklizivite New York nou yo pou novo imigran yo."

**Robert Simpson, Prezidan ak Direktè Egzekitif Jeneral CenterState Corporation for Economic Opportunity (Kòporasyon CenterState pou Opòtinite Ekonomik)** te

**deklare**, "Central New York ap fè fas ak yon mank mendèv k ap toufe aktivite ekonomik ak kapasite nou pou pwodui pwodwi ak sèvis ki enpòtan pou mond lan. Apèl Gouvènè a pou otorizasyon travay pou imigran k ap chèche azil nan peyi nou an se yon solisyon pragmatik, akoutèm pou mank sa a, ak kriz imigrasyon aktyèl la. Anplwayè yo atravè rejon nou an gen yon istwa pou akeyi travayè yo atravè mond lan pou ranfòse ekonomi nou an epi mwen gen konfyans ke yo pral fè sa ankò si yo ba yo opòtinite a. Anpil enpak ekonomik pozitif refijye nou yo ak kominote Nouvo Ameriken yo nan New York Santral yo pa ka nye epi yo sipòte pa done."

**Murad Awawdeh, Direktè Egzekitif, Kowalisyon Imigrasyon New York (New York Immigration Coalition) te deklare**, "New York te akeyi imigran yo nan katye nou yo, kominote yo ak espas travay nou yo pandan plizyè syèk, epi Eta nou an vin pi bon poutèt sa. Moun ki fèck ap chèche azil sa yo -- Nouyòkè ki pi nouvo nou yo -- pa ta dwe eskli nan fè menm kontribisyon sa yo. Konsantrayon Gouvènè Hochul la sou otorizasyon travay atravè Estati Pwoteksyon Tanporè (Temporary Protected Status, TPS) se yon bagay ki enpòtan, epi nou rejwenn li avèk nan mande gouvènman federal la pou l bay èd imanitè adisyonèl."

**Rich Nightingale, Direktè Egzekitif Westhab, te deklare**, "New York ap travay pou li respekte ideyal li yo, akeyi moun k ap chèche azil yo epi travay ak òganizasyon san bi likratif to tankou Westhab pou bay sèvis ak sipò. Endividé ak fanmi n ap sèvi kounye a yo anvi travay epi kontribye nan nouvo kominote pa yo. Li klè ke sipò federal adisyonèl, espesyalman nan otorizasyon travay, nesesè pou ede moun antre nan mendèv la, satisfè bezwen ki egziste déjà nan ekonomi nou an, epi ranfòse kominote a pou tout moun."

**Jan Fisher, Direktè Egzekitif NonProfit Westchester, te dekare**, "Pandan nou akeyi moun k ap chèche azil yo nan konte ak eta nou an, li enpòtan pou gouvènman federal la fè pati pa yo epi investi pati ki jis pa yo pou sipòte gouvènman lokal yo ak òganizasyon san bi likratif yo k ap fè travay enpòtan nan domèn sa a. Nou rekonesan anvè Gouvènè Hochul paske li montre lidèchip sou pwoblèm sa a epi nou rejwenn demand li pou plis sipò federal."

**Melissa Fleischut, Prezidan ak Direktris Egzekitif Jeneral, Asosyasyon Restoran Eta New York (New York State Restaurant Association) la, te deklare**, "Asosyasyon Restoran Eta New York sipòte anpil otorizasyon travay espesyal pou moun k ap chèche azil yo, epi nou remèsyen Gouvènè Hochul ansanm ak Komisè Reardon ak Bray pou lidèchip kontinyl yo nan ogmante bezwen chanjman enpòtan sa yo. Manm nou yo kontinye fè fas ak mank mendèv ak defi anbochaj apre pandemi an. Pèmèt papye travay pou moun k ap chèche azil yo pral non sèlman sipòte kapasite operatè nou yo pou ranpli bezwen anbochaj yo epi fè endistri restoran an tounen nan sèvis konplè, men li pral kreye tou yon chemen nan endistri a pou moun sa yo, sa k ap kreye yon nouvo filyè mendèv ki nesesè."

**Wayne Ho, Prezidan ak Direktè Egzekitif Jeneral Konsèy Planifikasyon Chinwa-Ameriken an, te deklare** "Kriz imanitè a bezwen resous adisyonèl ak sipò nan men

gouvènman federal la an ijans. Menm jan ak lòt òganizasyon kominotè yo, Konsèy Planifikasyon Chinwa-Ameriken an te ogmante pwòp kapasite pa I pou I sèvi denye vwazen nou yo, soti nan bay bon pou gadri, pwogram apre lekòl, ak kou alfabetizasyon pou adilt rive nan patwone pwogram fòmasyon travay pou antrepriz demaraj tankou 86 "the Barrier", deklarasyon Wayne Ho, Prezidan ak Direktè Jeneral Konsèy Planifikasyon Chinwa-Ameriken an. "Nou dwe asire ke fanmi k ap chèche azil yo ka siviv ak pwospere nan New York, sa ki pral mande ogmantasyon kolaborasyon ant gouvènman federal, eta ak vil la ak CBO yo. Nou rejwenn alye nou yo nan mande ogmantayon sipò lojman, travay, legal, sante, ak sipò sosyal pou nouvo Nouyòkè nou yo."

**Peter Tu, Konseye Jeneral nan Flushing Chinese Business Association te deklare**, "New York te toujou akeyi imigran ak nouvo Ameriken yo, epi jodi a nou dwe itilize valè sa yo pandan plis moun k ap chèche azil yo ap rive. Demand Gouvènè Hochul pou sipò federal ak konsantrayon sou otorizasyon travay pral ede mete fen nan kriz sa a epi asire yon lavi miyò pou tout moun ki vle rele New York lakay yo. Kòm yon imigran mwen menm, mwen bat bravo pou demand saj Gouvènè Hochul te fè pou pèmèt imigran yo gen pèmi travay epi pou yo otonòm ekonomikman."

**Elise de Castillo, Esq., Direktè Egzekitif Sant Refijye Amerik Santral (Central American Refugee Center) la, te deklare**, "Nou aplodi efò Gouvènè Hochul ap fè pou asire nouvo Nouyòkè yo jwenn resous yo bezwen pou rebati lavi yo nan eta nou an. Men, New York pa ka fè li pou kont li. Gouvènman federal la dwe bay sipò adisyonèl pou asire nouvo moun ki fèk rive sa yo kapab totalman fè pati nouvo kominate yo atravè Eta New York."

**Fondatè Latinos Unidos de Long Island, Pilar Moya, te deklare**, "Konsiderasyon Gouvènè Hochul pou pèmèt moun k ap chèche azil yo resevwa yon viza (kat) travay nan mwens pase 90 jou demonstre yon apwòch konpasyon ak pragmatik nan politik imigrasyon an. Lè yo rasyonalize pwosesis pou moun k ap chèche azil yo jwenn yon viza travay, Hochul t ap non sèlman soulaje presyon finansye sou moun sa yo ak fanmi yo, men tou, kontribye nan ekonomi lokal la lè yo pèmèt yo patisipe nan mendèv la pi bonè. Chanjman politik sa a ta ka redwi fado ki genyen sou sistèm azil la epi ankouraje integrasyon, paske moun yo ta ka pi byen etabli tèt yo epi kontribye nan nouvo kominate pa yo. Lè nou anbrase aksè rapid nan viza travay, nou ranfòse integrasyon moun k ap chèche azil yo, oto-sifizans, ak kontribisyón ekonomik lokal yo. Nou eksprime rekonesans sensè nou bay Gouvènè Hochul pou desizyon li pran epi ke pwopozisyon an pral kontribye nan yon avni ki pi briyan pou Eta New York."

**Prezidan Long Island Farm Bureau Robert Carpenter**, "Farm Bureau ap mande depi lontan pou gen refòm imigrasyon pou abòde gwo mank travayè ki mete fèm nou yo ak enstalasyon transfòmasyon nou yo an danje. Nou sipòte demann Gouvènè Hochul bay gouvènman federal la pou akselere viza travay pou imigran ki gen bon dokiman epi ki vle travay nan fèm yo nan New York. Yon sistèm manje solid enpòtan pou tout rezidan Eta New York yo epi nou pral kontinye travay avèk Depatman Agrikilti ak Mache (Department of Agriculture and Markets, AGM) ak lòt moun pou kontinye nouri Eta New York yo."

**Wanda Sanchez Day, Konseye Jeneral/Konseye Politik Prensipa pou OLA nan Eastern Long Island, te deklare,** "OLA nan Eastern Long Island se yon òganizasyon san bi likratif ki te sèvi bezwen migran ak imigran yo nan East End nan Long Island pou plis pase 20 ane. Nou wè ke imigran yo kontribye anpil nan iisyativ travay, atizay, entèlijans ak inisyativ antreprenarya nan tisi rich nan kominote nou yo men gen kèk ki bezwen èd pandan y ap chèche entegre yo. Deklarasyon ljans ak Egzekitif Gouvènè Hochul ki te date 9 me 2023, ki te vize asire finansman pou minisipalite yo pou adrese kantite ak bezwen imanitè moun k ap chèche azil yo nan New York ak kominote nou yo epi li te desizif ak yon etap nan bon direksyon an. Nou sipòte demann li a pou Administrasyon Biden/Harris la akselere pwoesisis otorizasyon travay pou moun k ap chèche azil yo pa plis pase 15 jou paske sa ap ede yo kòmanse byen vit yon lavi endepandan. Sa ki egalman enpòtan se bezwen pou finansman federal kritik pou ede Eta yo ki bay lojman ak sekirite adekwa yo bezwen pandan y ap tann desizyon yo sou aplikasyon yo. Nou pa ka konte sou resous ki ra anpil nan gouvènman lokal yo ak òganizasyon san bi likratif yo, pou siyifikativman abòde ogmantasyon migrasyon an ak don publik ak taks lokal yo. Depandans sou resous trè ra sa yo pou jwenn repons pou pwoblèm grav nasyonal aktyèl yo sèvi sèlman pou fè mal pou kominote yo ki vle ede yo ak pou moun k ap chèche azil yo."

**Fondatè Afrikana Adama Bah te deklare,** "Plis pase 90,000 imigran rive NYC, kote Nouyòkè akeyi yo ak diyite. Nou rekonèt difikilte ki devan yo epi rekonèt nesesite pou gouvènman federal la rekonsidere politik li konsènan pèmi travay pou moun k ap chèche azil yo. Chanjman sa a pa pral sèlman sipòte efò òganizasyon ki sou teren yo, men li genyen tou potansyèl pou refòme istwa, demonstre solidarite ak kominote imigran nou an, epi ankouraje kwasans ekonomik nan Etazini."

**Thomas Yu, Direktè Egzekitif, Ameriken Azyatik pou Egalite, te deklare,** "Antanke youn nan òganizasyon nan premye liy k ap ede ak kantite moun k ap chèche azil nan Jackson Heights, Ameriken Azyatik pou Egalite (Asian Americans For Equality, AAFFE) akeyi tout resous ki nesesè pou sipòte ak entegre gwo bezwen imigran yo nan kominote nou yo. Nou apresye anpil lidèchip ak direksyon resous Gouvènè Hochul pou pwoblèm sa a, epi nou pa ka tann resous Eta a konbine avèk inisyativ Vil la anba Majistra Adams, pou fè Vil New York tounen yon kote ki akeyi moun ki nan bezwen toupatou nan mond lan."

**Premye Katedral Batis nan Westbury, Bishop Lionel Harvey, te deklare,** "Pandan n ap egzamine pwoblèm ki enpòtan anpil sa a ke nou konfwonte, li fè sans epi li benefisyé kominote a anjeneral pou leve restriksyon travay 90 jou sou imigran ki vin isit la pou chèche rèv Ameriken an pou kontribyi nan sosyete a. Nouyòkè yo te toujou gen konpasyon, konpreyansyon ak jis nan sa ki gen rapò ak ede lòt moun reyalize objektif final yo. Men, li pa jis pou nou pran fado a pou kont nou. Gouvènè Hochul konprann pou objektif sa yo ka reyalize, Gouvènman Federal la dwe bay sipò finansye soutni epi li dwe pèmèt yo itilize tè ak enstalasyon federal yo pou abri."

**Reveran Dr AR Bernard, Christian Cultural Center (Sant Kiltirèl Kreyen), te deklare**, "Migrasyon moun yo ap toujou yon kriz, akòz enpak sosyal ak politik li. Gwo vag migrasyon te fêt isit la nan Vil New York pandan 150 dènye ane yo. Se poutèt sa vil la divèsifye konsa. Reyakson vil la varye. Te gen moman akseptasyon ak entegrasyon, men tou peryòd diskriminasyon ak reyakson negatif. Pa gen okenn solisyón inik. Kounye a li pral mande kèk chanjman politik serye pou fè yon diferans nan sa k ap pase a. Epi ofisyèl eli nou yo dwe gen kouraj pou yo pran desizyon sa yo. Mwen sipòte totalman demand Gouvènè Hochul fè pou èd federal pou adrese kriz migran nan Vil New York. Li pral koute anpil dola ak yon plan konplè ki bay plis pase abri. Epi li pa dwe sou kont kalite lavi kominate lokal nou yo. Sa ki pi mal, lojman yo nan yon anviwònman imen kontwole, oswa fè yo dòmi nan lari yo nan katye nou yo? M ap priye pou Gouvènè Hochul ak Majistra Adams pou yo gen sajès ak kouraj pou pran bon desizyon yo."

**Evèk Orlando Findlyater, New Hope Housing Corporation, te deklare**, "Mwen kontan tande ke Gouvènman Federal la relache Teren Floyd Bennett la pou yo itilize kòm yon abri pou loje moun k ap mande azil yo. Mèsi Gouvènè Hochul paske w te fè sa posib epi paske w te bay 20 milyon dola pou monte tant yo pou loje moun k ap chèche azil yo. Vil New York an kriz epi lidèchip ou ak sipò w sèten apresye."

**Reveran Terry Troia, Prezidan ak Direktè Egzekitif Jeneral Project Hospitality, te deklare**, "Project Hospitality rekonesan anpil anvè Gouvènè nou an paske li te chèche sipò finansye nan men gouvènman federal la, ki se antite ki responsab pou resevwa moun k ap chèche azil ak imigran ki fèk rive nan peyi nou an. Ansanm, nou tout gen yon wòl pou nou jwe pou asire ke moun ki vin chèche sekirite epi k ap kouri pou vyolans ak grangou, viv isit la an sekirite epi san grangou. Sa a se aksyon moral ke nou tout responsab dapre valè ak vizyon peyi nou an."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)